

# Pengiktirafan buat UMP

*Sinar Harian (Sinar Minggu) 10/2/2020 (Isnin) m/s: 32*

Allahyarham Dr  
Mashitah terima Iwate  
University Global  
Fellow

Oleh NIK AMIRUL MU'MIN  
NIK MIN

**KUANTAN**



Dr Wan Azhar (tiga dari kanan) menerima anugerah bagi pihak Allahyarham Dr Mashitah daripada Akira Iwabuchi (tiga dari kiri) sempena kunjungan rasmi delegasi Iwate University Jepun ke UMP kelmarin.

**B**ekas Pensyarah  
Fakulti Sains dan  
Teknologi Industri  
(FSTI) Universiti

Malaysia Pahang  
(UMP), Allahyarham  
Profesor Datuk Dr Mashitah  
Mohd Yusoff yang  
meninggal dunia  
pada 24 Januari lalu menerima  
anugerah Iwate  
University Global  
Fellow dari Iwate  
University (IU)  
Jepun kelmarin.



**DR MASHITAH  
MOHD YUSOFF**

Penganugerahan itu sebagai pengiktirafan IU kepada tenaga pengajar yang telah menyumbang dalam pengajaran dan pembelajaran serta bergiat aktif dalam bidang penyelidikan di peringkat antarabangsa.

Dr Mashitah merupakan penerima kesembilan daripada 10 penerima yang pernah dianugerahkan oleh IU.

Sepanjang perkhidmatan di

UMP, beliau pernah menggalas tanggungjawab sebagai Timbalan Naib Canselor (Penyelidikan dan Inovasi) dan Penolong Naib Canselor (Hal Ehwal Korporat dan Kualiti) serta jawatan lain dalam pentadbiran.

Dr Mashitah juga banyak menyumbang terhadap pembangunan penyelidikan dan inovasi terutamanya dalam bidang kejuruteraan kimia dan bioproses.

Anugerah itu disampaikan Presiden IU, Akira Iwabuchi dan diterima Naib Canselor UMP, Profesor Ir Dr Wan Azhar Wan Yusoff sempena kunjungan rasmi delegasi universiti itu ke UMP baru-baru ini.

Dr Wan Azhar berkata, anugerah Iwate University Global

Fellow itu mengukuhkan lagi hubungan bilateral antara kedua-dua institusi itu yang berkolaborasi sejak tahun 2009.

"UMP sebagai salah sebuah rangkaian universiti teknikal di negara ini amat berbangga dengan pengiktirafan ini yang menyumbang terhadap kecemerlangan universiti dalam bidang akademik, penyelidikan dan inovasi serta hubungan sosial," katanya.

Sementara itu, Akira Iwabuchi berkata, anugerah itu sepatutnya disampaikan pada Majlis Sambutan Iwate University's 70th Anniversary pada November 2019 namun pada masa itu Dr Mashitah tidak dapat hadir disebabkan masalah kesihatan.

Menurutnya, beliau berharap lebih banyak peluang kolaboratif dapat diteroka antara UMP dan UI pada masa depan.